



Bihaenx, Dahmeiz haq hawj Daeggyangz le. Mwh gezvwnh, cijmiz song doiq labcuk hoengz. Yawj gij rongh yaebyaeb, Daeggyangz naeuz: “Dahmeiz, gaen gou gwn haemz souh hoj lo!” Ahmeiz riu naeuz: “Gij swnghhoz vuenyungz dwg baengh song fwngz roengzrengz vuenh ndaej daeuj! Gou mbouj ienqhoij!”

Seizhaenx, Daeggyangz youq ndaw gvanggih vat meiz, Dahmeiz youq ndawranz ciengx mou, saedcej yienz naeuz mbouj fouq, hoeng roxnyinh vuenyungz. Buenq bi gvaqbae le, youq haemh laepcupcup ndeu, Daeggyangz hai aen mozdozceh mbouj miz daeng ndeu daj ndaw-gvangq dauqma, aenvih yawj mbouj raen roen, hai roengz laj bo bae lo. Mbwn rongh le cij deng vunz fatyienh, soengq bae yihyen, va bae haujlai cienz, cungjsuenq gip dauq diuz mingh ndeu, hoeng bouxvunz

cix gyad lo! Dahmeiz enj aen dungx hung haj ndwen, youq ndawfwn daej le baenzgoenz bae! Yawj Daeggyangz cungj gyad dwk doengh mbouj ndaej lo, naengbak Dahmeiz cungj yaek haeb byoengq lo! Miz vunz ra Dahmeiz naeuz: “Dahmeiz ha, mwngz boux ndeu, hoj gvaq lai, caiq ra bouxvunz ndeu ba!” Ahmeiz mbouj doengzeiq: “Sou caiq gangj cungj vah neix, baezlaeng gaej daeuj ranz gou lo!” Ahmeiz mieng naeuz itdingh ciuqgoq aen ranz neix ndei bae, hoeng gangj cix yungzheih ne!

Ngoenz ndeu, gaiq baiz laeb dangjanq laeb gaj ndeu nem youq bakdou ranz Ahmeiz. Yawj gaiq baiz saek aeuj neix, Dahmeiz naeuz: “Gaiq baiz neix miz maz yunghcawq ne?” “Yungh daeuz bw, seizneix ranz mwngz dwg ranzhoj lo, raeuz aeuj daeuj bang mwngz duetgungz bienq-

fouq!” Bouxvunz daeuj haenx gangj, gig miz saenqsim gangj. “Gou mbouj aeuj sou rex, gou cijaeu ngaenz ciengx mou couh ndaej lo! Gou yaek ciengx bak duz mou!” Ahmeiz nyinhcaen naeuz. “Mwngz dwg gangj caen dahraix ha? Mwngz rox gisuz lwi? Mwngz aeuj geijlai bonjcienz?” Bouxvunz daeuj haenx gangj. “Sam fanh maenz ngaenz bonjcienz couh gaeuq lo, mwngz ndaej ciq hawj gou lwi? Gou itdingh boiz hawj mwngz!” Ahmeiz naeuz. “Seizneix mwngz dwg bangfuz duisieng lo, ndaej caeuq saenqyunghe daigvanj haj fanh bouj leihsik daigvanj!” Bouxvunz daeuj haenx laebdaeb naeuz. “Caen lwi? Caen lwi? Miz gij saehcingz baenzneix ndei ha? Ndei lai la!” Haujlai bi mbouj riu saekdi, dauqdaej riu hwnjdaej lo. “Gou dwg gangj caen ha!” Bouxvunz daeuj haenx gazgwd naeuz.

Mbouj geij nanz, Ahmeiz couh bae saenqyunghe ndaw yangh ciq haj fanh maenz ngaenz, yienghneix couh ndei lo. Dahmeiz aeuj haj fanh maenz ngaenz neix, caep aen diengz-mou ndeu, youh cawx bak duz moulgw, couh ndei lo. Daeggyangz gyad youq ndawranz, yawj ndaw da, gangj mbouj okdaeuj, hoeng raemxda lae okdaeuj lo.

Buenq bi gvaqbae lo, gij mou Ahmeiz ciengx haenx youh hung youh biz, Dahmeiz baenz boux conhyezhu cienmonz ciengx mou ndaw yangh! Raen duzmou rim riengh buet bae buet dauq, Dahmeiz caeuq Daeggyangz angq ndaej raemxda lae roengzdaeuj lo. Dahmeiz naeuz Daeggyangz: “Langh mbouj miz gij cwngcwz ndei banggungz, raeuz baenzlawz miz ngoenzneix ha? Raeuz cungjsuenq haemz bae diemz daeuj lo!”



Ngoenzneix dwg ngoenzndei, Augouj haeuj ranzmoq lo!

Augouj loq fangzhwnz hix siengj mbouj daengz, swheij lij ndaej youq ranzmoq! Bonjlaiz Augouj nyinhnaeuz swheij baenz ciuhvunz couh youq ndaw lueglungh neix gvaq ciuh lo, couh lumj Aubet Aucaet nei, baengh bya gwn bya, youq ndaw namhhenj caeuq geh rin ra gwn, geq le couh deq daengz ngoenz haem roengz ndaw-namh bae.

Ndawranz Augouj hoj, geq le guh hongnaek mbouj ndaej lo, miz daeg-lwg ndeu, bineix cungj ndaej seiqcib bi lo, lij caengz aeuj yah dem.

Bi' gvaq, youq bakdou ranz naeuz Augouj gwnz de, couh ding gaiq baiz “laeb dangj laeb gaj” ndeu. Augouj mbouj roxyiuj neix miz maz yungh. Bangfuz ganbu Couh cujyin naeuz:

“Miz gaiq baiz neix le, gvaqlaeng mwngz couhdwg gaiq naz cwzyin gou lo, mwngz mbouj ndaej duetgungz, gou couh mbouj soubing!”

Augouj dingq le mbouj roxyiuj: “Gou duet mbouj duetgungz, caeuq mwngz miz maz gvanhaeh ne? Mwngz mbouj dwg lawx gou ba!”

Couh cujyin dwg boux cujyin ndaw yienh, dwg boux vunz biq gaemz myaiz youq gwnz dieg, gij dieg cungj yaek doek roengzbae sam faen haenx, “Bouxlaux, gou mbouj yaeuh mwngz law!” Couh cujyin naeuz.

Augouj naeuz: “Mwngz rox, gou youq ndawlueng neix, rin lai, dieg noix, duetgungz mbouj ndaej ha!” “Dangh-naeuz mwngz ndaej youq yienhsingz roxnaeuz yanghcin gwnzgai hawj dauq ranz ndeu hawj gou, aiq ndaej duetgungz.”

Augouj daegdaengq hawj Couh cujyin hojnanz, bouxlauz daeuj banggungz lij aeuj hawj dauq ranz ndeu ha? Ndawranz Couh cujyin youh mbouj dwg hai yinzhangz, caiq gangj lo, couhcinj hai yinzhangz, hix mbouj miz maz lijyouz bang vunz guh ranz ha!

“Ndei gangj! Cijaeu mwngz nyienh, raeuz doxyaeng couh ndaej lo!” Han naeuz.

Augouj laeglemx naeuz: “Mwngz gaej gangjboq ba! Mwngz lij ndaej hawj dauq ranz gou dem?”

Gienh saeh neix gvaqbae geij ngoenz lo, Augouj dawz gienh saeh neix dangguh gangj ndwi nei, yaep-ndeu couh lumz lo. Hoeng, Couh cujyin mbouj lumz, gingqyenz daiq biujgek bae ra Augouj ciemcih ha! Dwg gij saehcingz senjdeuz, ciuq gij

byauhcuuj Augouj, ndaej dauq ranz caetib haj bingzfueng ndeu, couh youq gwnz hawcin.

“Boh'au, mwngz couh gangj coenz vah ndeu, mwngz buen roxnaeuz mbouj buen?” Couh cujyin cam.

“Buen! Itdingh buen ha! Gou maqmuengh dauq ranz moq haenx hawj daeglwg ra bawx ne!” Augouj naj hai riunyum lo.

Ciemcih vaen cihdoz, dauq ranz Augouj loq fangzhwnz cungj siengj haenx, couh cugciemh daj ndaw mok loh okdaeuj lo.

Augouj cij gyau di cienz ndeu, couh begbeg ndaej dauq ranz ndeu! Hawj vunz hozhaenz dangqmaz.

“Goengheij mwngz ha! Boh'au!” Ngoenzneix Couh cujyin hix daeuj lo, dawz haj roek gaen nohmou caeuq daeh haeuxmoq ndeu daeuj ranzmoq Augouj.

“Couh cujyin, gou miz gienh saeh ndeu cam mwngz.” Augouj rag Couh cujyin gvaq henz bae naeuz, “mwngz hawj gou ra dauq ranz ndeu, mwngz dwg boux vunz ak raixcaix ndeu! Ndae j mbouj ndaej hawj daeglwg gou hix gaisau dahsau ndeu ha!”

Couh cujyin dingq sat riuhaha hwnjdaej: “Gou caenhrengz ba! Gou caenhrengz!”

Augouj naeuz: “Seizneix couh ndei lai lo! Caen dwg ndei ha! Docih ha! Docih mwngz raixcaix!”

“Mbouj yungh docih gou, aeuj docih baihgwnz, baihgwnz cijdauj ndaej ndei ha!” Couh cujyin naeuz.